



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

II. Constantinus Pogonatus eorum ususm restituere procuravit. Sed liberam legationem postulavit. Ejus petitioni se Leo II. accommodavit; non tamen conceſſa plenæ legationis auctoritate. Prudenter id ...

**urn:nbn:de:hbz:466:1-15617**

& Imperij Lib. V. Cap. XVIII. 47

dum à scelere Paulum, atrocibus injuriis affecerunt; plurimisque eorum Sacerdotum qui eis adhaerent in exilium detrusi, & verberibus contumeliosè cäsi, tandem verò anno D C L I I I. Martinus ipse Summus Pontifex à sede abreptus, in Chersonam Pontica Diocæses urbem deportatus est.

I I. Electus Vitalianus Papa Responsales quidem *juxta consuetudinem* misit ad regiam urbem, quemadmodum observat Anastasius, ut suam ordinationem significaret Constanti, non autem ut Apocrisiarij in comitatu degerent. Idem enim auctor adnotavit, privilegiis Ecclesie renovatis Romam fuisse reverbos. Tandem sopitis dogmatum controversiis, & Ecclesiarum schismate per Sextam Synodus generalem extincto, Constantinus Pogonatus usum Apocrisiariorum in palatio residentium restituere procuravit. Sed liberam legationem, nullis mandatis restrictam, postulavit; ita ut Legatus in omnibus emergentibus negotiis, seu fidem seu disciplinam respicerent, Pontificis personam exprimeret. Hæc sunt ejus verba in epistola ad Leonem I I. Agathonis successorem: *Hortamur porro vestram sanctissimam summitatem ut quamprimum mittat designatum ab ea Apocrisiarium; ut is in regia & à Deo conservanda nostra urbe degat, & in emergentibus, sive dogmaticis, sive canoniciis, ac prorsus in omnibus ecclesiasticis negotiis vestre sanctitatis exprimat ac gerat personam.* Prudenter autem Leo ita se petitioni Constantini accommodavit, ut Responsalem suum delegaret Constantinum Subdiaconum; non tamen concessa plena legationis auctoritate, sed eo tantum munere injuncto quod Apocrisiariis imponi solitum erat, suggesti scilicet & insuandi Principibus que necessaria viderentur; scilicet reservata fibi, ad relationem Responsalis, decernendi potestate. *Presentis denique suggestionis,* inquit Leo, *exiguum peccatorem Constantinum Subdiaconum, regionarium hujus sancte apostolice sedis, qui & nuper cum Legatis apostolice memorie predecessoris mei interfuit sancte synodo inibi celebrante, clementia consueta dignum exceptione censcat vestra regalis magnanimitas, ejusque suggestionibus aurem pietatis accommodet, ut autem ministrum dignanter suscipiat.* Non utilis erat hujus meditati consilij cautio ad vitandas Patriarcharum Constantinopolitanorum machinationes; qui suæ sedis amplificationi semper intenti, terrore & minis Principis assensum Legati ad res novas constituendas extorquere potuerint, ut saltem non incolorata videri posset immutatio quæ sedis apostolicæ auctoritate aliqua mutiretur.

### III. Attamen prudentia sua obtinere

Pontifices non potuerunt quin eos in laqueos inciderent à quibus tam studiosè sibi cavebant. Etenim anno D C X C I I . Iustinianus Rhinotmetus Imperator , à Petro Constantinopolitano Episcopo sollicitatus , Concilium coëgit , quod Trullani nomine assumpto , centum & duos canones edidit , optimis quidem illos , & qui antiquam disciplinam utplurimum redolent , præter tres , aut quatuor , qui Romanæ Ecclesiæ confutudines quædam emendare conantur. Ceterum ut color aliquis novis illis decretis quæsusus videretur , synodus illa Oecumenicæ titulum assumpsit , ob Romanæ sedis auctoritatem adhibitam. Legati enim apostolicæ sedis huic Concilio interfuerant , ut observat Anastasius ; id est , ut ego quidem interpretor , Apocrisiarij seu Reponfales , qui munere suggestionis fungebantur. Neque enim Sergius Papa Legatos mandatis suis instructos ad eum conventum transmisserat ; quem damnavit ut illicitum , ejusque canonum lectionem repudiavit ; rejecta Iustiniani postulatione , qui Pontificis subscriptione firmari gesta vehementissime cupiebat. Hujus itaque temporibus , inquit Anastasius in vita Sergij , Iustinianus Imperator Concilium in regia urbe iussit fieri ; in quo & Legati sedis apostolice convererant , & decepti subscriperant. Compellabatur autem & ipse Papa subscribere ; sed nullatenus acquevit. Bafilius Episcopus Gortynæ , Metropolitanus provinciæ Creta , eam legationem tunc solus obibat : quæ potiori jure illi imposita fuerat , utpote Illyricianæ Dioceœses & patriarchatus occidentalium Episcopo , quam olim Juliano Episcopo Coënsi provincia Rhodia , qui primus pro Leone responsa egit Constantinopoli. Hinc quoque factum

<sup>7</sup> Vide supra cap. 35.  
§. 4. & 6. hujus  
libri.

In subscriptionibus  
canonum Trulla-  
norum: Βασίλεος  
διάτοκος τῆς  
χαρτοφύλακος οὐ-  
τρωπίων τοῦ οἰ-  
λοχίστη προτε-  
τυχεῖ, ἐπειδὴ τοιων  
πινάκων τούτων τῆς  
συντάξεως τῶν οὐ-  
τρωπίων τοῦ οἰ-  
λοχίστη προτε-